

7
IOANNIS
CALVINI IN

ACTA SYNODI TRIDENTI-
næ Censura, & eiusdem Brevis Confutatio,
circa duas præcipuè calum-
nias.

Per Ioannem Cochlæum.

ELENCHVS Capitulo-
rum e Sex Libris D. Conra-
di Bruni, De Concilio

BIBLIOTECA ~~Uniuersali.~~
ROMA
VITTORIO EMANUELE

APVD S. VICTOREM PROPE
Moguntiam, ex officina Francisci
Behem Typographi.

M. D. XLVIII.



REVEREN DO PATRI AC DO.

MINO D. ERASMO STRE-

bergio Canonico Tridentino. Opt.

ac Humaniss. uiro S. P. D.



Vallis fuerit Tridenti in
Oecumenico ibi celebra-
to Concilio & uite inte-
gritas, & doctrinae sane
soliditas, conuersationisq;
honestas, Venerabilium
patrum: qui authorita-
te publica & uocatione legitima, non solum sum-
mi Pontificis, sed etiam Imperatoris Augusti, alio-
rumq; Regum & Principum atq; Communitatū,
isthuc conuenerant: neminē inter Germanos puto
melius aut certius nosse, quā nosti tu, ERASME
Pijsime pariter & humanissime, qui perpetuo
praesens istic, omnibus Tractatibus sessionibusq;
interfuiſti, multorumq; ex ijsce Patribus officio-
sissimus & hospes & confabulator, multa cum
animi iucunditate extitisti.

Quare tuo unius & testimonio & iudicio,
longē iustum securiusq;, tum de personis, tum

A ij

de actis

Calum-
niatores
Concilij
Trid.

de actis istius Concilij creditur, quam uel Mille Melanchthonibus, Calvinis, Buceris, & id genus alijs Calumniatoribus: qui longe abfuerunt, & implacabili odio pertinaciq; contradicendi studio, nihil ex fide, nihil ex uero (ut scribit nominatim de Bucero Doctissimus Antistes in Anglia Stephanus Vintoniensis) dicunt & scribunt, atq; testantur: sed ex amarulento animi affectu, atq; inimico, in quoslibet Catholicos corde, iudicioq; deprauato, temere profundunt omnia, quæcunq; seductos a se populos in excitata discordia, & rebellionem conseruare possint. Vt merito possimus unicuiq; eorum exprobrare illud Psalmiste, Dilexisti maliciam super benignitatem, iniquitatem magis quam loqui æquitatem. Dilexisti omnia uerba præcipationis lingua dolosa.

Psal. 51.

Mihi certè unius Claudij Iaij, religiosissimi Claudius iuxta integerrimiq; uiri, testimonium de illa Iaius Ora Congregatione, quod e Tridento ad me scripsit, tor Card. contra omnes maledicorum calumnias, abundè Aug. sufficit: dum ille, ut uno uerbo summam omnia complecteretur, breuissime scriberet. Ibi non aliam sibi uideri Patrum uitam & conuersationem, quam ea est, quam uidit ipse mecum olim frequenter in Rebdorf: ubi fratres illos ordinatissime simul ac religiosissime uiuere, contestantur om-

nes

TRIDENTINO.

nes tam Clerici quam Laici, quicunq; Eystadij degunt, in ciuitate illi Monasterio quam proxima.

Quamuis ueró commune sit omnibus Lutheri Zuinglijq; propugnatoribus & discipulis, malé sentire & iniqué iudicare, tam de actis quam de personis, istius legitimé congregati ac celebrati Concilij: præ cunctis tamē alijs contra illud, ma-
 Io Calui-
 gis impius, iniquus et malignus uidetur mihi Io. nus.
 Calvinus, natione Gallus, qui propter hæreticam labem (qua supra omnem leprosum fœditatem, abominabilis & contaminatus est) profugus & proscriptus, ex Christianissimo Franciæ Regno profugit ad Zuinglianos: & è nobili Allobrogum Ciuitate Gebenna (quam ipse Gencuam uocat) uirulentissimum nuper euulgauit libellum, tum generaliter contra quaslibet Patrum personas, tum specialiter & nominatim contra F. Ambro.
 Ambrosium Catharinum, Episcopum Minoricensem. Cathari-
 nus.

E cuius ego libris nonnullis, excerpſi ac ædidi nuper uerum & perpetuó constans ipsius de Lutheri persona, & doctrina iudicium: ut uel sero ex eo cognoscerent pleriq; Germaniæ populi, qualem per tanta rerum corporumq; & animarum pericula, tot iam annis, secuti sint Euangeli-

stam noxam pseudoq; Prophetam. Quam ini-
 que autem & calumniose de Catharino hoc ro-
 sio, iudicet scribatq; Calvinus iste, Patrie suæ
 infamis desertor, & publicus fidei Religionisq;
 & Ecclesie Catholice hostis: qui & superbi-
 mam iuxta impudentissimamq; sibi, super omnia
 Acta & Decreta huius uestri Tridentini Concilij
 censuram, propria præsumptæ temeritatis auto-
 ritate, arrogare non ueretur: Tu, qui et Cathari-
 num optimè ac familiarissimè cognoscis, & Con-
 cilio præsens per omne tempus interfuisti: facile
 iudicabis, siquando Caluini librum perlegeris.
 Mihi unicum eius exemplar casu allatum est, nu-
 per ex Nundinis Francfordiensibus, Idq; non in-
 tegrum: uideo enim circa finem nonnihil de-
 esse.

Vt igitur qualencūq; gustum eius amarulen-
 tie accipias, Catharinoq; omnia impertiri queas,
 paucis respondebo breuiter ad duo duntaxat, tam
 maledici Censoris iudicia, quæ protulit ille tum
 in personam Catharini, tum in Decreta Conci-
 lij de Confirmationis sacramento: Ad plura enim
 respondere, nunc non permittunt mihi hîc alia
 multo urgentiora negotia. Ex his autem duobus
 citò coniecere poteris, quid de uniuerso Caluini
 libro sentientiam sit Catholicis.

Verba

Verba Calumni de Catharino

D. 5.

Inflat deinde suam buccinam Ambrosius Catharinus, ex ordine Dominicanorum, uetus ille Lutheri Antagonista: quem ego putabam, ante annos 20. pudore confusum, in obscuras latebras se abdidisse. Tāto enim dedecore a Luthero, nouitio adhuc milite, prostratus fuerat, tam fuerat turpiter Ordinum omnium consensu exhibatus, ut prodire in hominum conspectum, si sciret, nunquam debuerit. Nunc autem, ut uideo, Bulla Concilij publicata, quasi Edicto Iubileo excitatus, tanquam nouus homo, in lucem rursus prodit. Idem tamen est, qui prius erat. Ergo qui Catharini insulitates aliquando legerunt, nescirent putridum illud cadauer adhuc spirare, nisi Concionem in Synodo habitam legerent: ubi Christi mater fidelissima eius socia uocatur, & asidere fingitur eius Throno, ut gratiam nobis impetret. Multi ante hac impudentia sue frena laxarunt, sed qui sociam Christi nominaret, dum fictitijs titulis uolunt ornare sanctam uirginem, inuentum puto neminem fuisse. Et uocem adeo sacrilegam, in tali confesso prelatam, & exceptam non paruo fauore, posteritas nunquam credidisset, nisi ab illis publicata fuisset oratio.

Extant
utriusque
adhuc libri,
de quibus
Lectoris
esto iudicium.

Impia reprehensio

DE CONCILIO

Quid enim est Christum lacerare, si hoc non est? Proinde quod a Deo nobis aduocatā fuisse datā cō memorat, perinde loquitur ac si, quod de Christo prædicant Apostoli, in illam dimidia ex parte competeret. Et se audet Simeoni comparare hoc Silicernium, cum ille uenerandus senex, in unicum Dei salutare, etiam nondum reuelatum, toto animo intentus fuerit: Huic autem Christus unus sit ex turba Aduocatorum. Postquam ordinem in cœlo tam concinnum statuit, ad terrenam Hierarchiam delabitur: Et alienum esse a Christi corpore pronunciat, quisquis recusat Paulo Tertio subesse. Quid? etiamne si inter impios

Non deficiet fides
Petri & sedes eius
super petram
data.

tanquam Diabolus quispiam tenebit Principatum? Fieri, inquit, aliter non potest, Quia Christi sit Vicarius qui Ro. sedem occupat. Nonne super pedem pudet istos nugatores tam sutilibus nanijs ludere, quas sciunt ad tedium usque millies fuisse refutatas. Et infra. Si leonem (inquit) ab unguibus æstimare placet, iam habent lectores, quid de Tridentino Concilio sentire debeant.

Falsum
preiudici-
um.

Nam credibile est, ex Monachis, qui adfuerunt, hos, quibus potissimum datus est declamitandi locus, habitos fuisse Primarios, & quasi selectum florem. Eosdem ergo sciamus esse, ex quorum ingenio prodierunt Decreta: qui patribus Con-
nutis

nutis dictarunt, quod tacito nutu, quasi mutæ personæ approbarent. Quo recidimus? ut pro diuinis Oraculis habenda sint, quæcunq; talibus Bestijs libuerit, obstrepera uoce, in aliorum aures demurmurare. Quanquam non sum adeo rerum ignarus, ut credam, Orationes, quæ istorum nomine editæ sunt, qualescunq; sint, ab ipsis fuisse compositas. Habent enim suos Logodædalos, quibus suas insulitates, ne risum pueris moueant, aliquo uerborum colore fucandas tradunt. Sed fingamus nihil esse quod non industria sua lima uerint, Id tamen in magno lucro ponendum est, tale extare specimen. In quo formidabilis illa Papatus sapientia appareat. Hec ibi Caluianus.

Defensio Catharini per Cochleum.

Vide obsecro, mi Domine Erasme, quam cecum ac temerarium sit Rhetorici huius Censoris iudicium, tum de Catharino specialiter, quem minime cognoscit: tum de tota Synodo, cuius personas, sibi prorsus ignotas, superbissime præ sua suorumq; complicum eruditione (quæ tamen præter fucum uerborum & linguarum ostentationem, nihil affert solide fun-

Temerarium Iudiciū Caluini contra ignotos sibi.

DE CONCILIO

datū, uel in Iure Canonico, aut Ciuili, uel in Philosophicarum aut Theologicarū rerum cognitione) despiciit, iudicat & condemnat.

Quid enim aliud ageret impius Ecclesie desertor, miserumq; Diaboli (qui extra Ecclesiam omnibus plena potestate dominatur) mancipium, & illius infelix satellites, qui est Rex super omnes filios superbie? De qualibus & Psalmista queritur, & ad Deum clamans ait: Exurge Deus, iudica causam tuam, memor esto improperiorum tuorum, eorum quæ ab insipientibus sunt tota die: Ne obliuiscaris uoces inimicorum tuorum: superbia eorum qui te oderunt, ascendit semper.

Iniuriæ in
sacerdotibus, ad Deum pertinent.
Quasi uero ad Deum nihil pertineat omnis iniuria, qua procaciter iridentur, & superbe contemnuntur una cum Ro. Pontifice (Christi Vicario) tot, tantiq; Prælati Ecclesiarum, Deiq; consecrati ministri, simul cum generali Concilio Catholicam Ecclesiam representante. At Christus ipse dixit. Qui uos audit, me audit, & qui uos spernit, me spernit. Item, Qui Ecclesiam non audit, sit tibi sicut Ethnicus & Publicanus. Et rursus quod uni ex minimis meis fecistis, mihi fecistis. Apostolus quoq; ait. Tu quis es qui iudicis alienum seruum? Domino suo stat aut cadit.

Iob. 41.

Psal. 73.

Luc. 10.

Matt. 18.

& 25.

Rom. 14.

dit. Stabit autem, potens est enim Deus statuere illum. Item, Veniam autem ad nos, & cognoscam, non sermonem eorum qui inflati sunt, sed uirtutem. Quid igitur noceat iste contemptus aut calumniosa criminatio, siue Catharino: cuius fama & spectata cruditio per omnem Italiam Galliamq; & Hispaniam notissima est, & tot editis ab eo libris Lugduni Venetijsq; & Florentie, in omni disciplinarum genere, praesertim in rebus Theologicis, euidenter declarata & comprobata est? Siue Concilio Tridentino, de quo instaurando rursusq; celebrando, tam sollicitè consultant, & apud Ro. Pontificem precibus instant, nunc tot mensibus Augustæ, in Conuentu Imperiali, per honorificas Legationes suprema sacri Imperij Ro. Capita, Imperator ipse Inuictissimus & serenissimus Rex frater eius, cum uniuersis Imperij Electoribus, cæterisq; Imperij Principibus, Statibusq;, & Proceribus?

Quid (inquam) noceat huius Concilij auctoritati & existimationi uentosa lingua maledicusq; stylus profugi Caluini, ob hæreseos crimen proscripti, & exulis atq; infamis? qui nusquam tutus est, aut honorem ullum habet, nisi apud suæ farinae hereticos: quibus dolose applaudit, & maledicentia sua sceleratum præstat obsequium.

Tali

1. Cor. 4.

Caluini
maledicē
tia neq;
Cathari-
no neq;
Concilio
nocere de-
bet.

Qualis
Calvinus

DE CONCILIO

Tali ne blateroni atq; errone, & aduene atq; alienigenæ (quem Christianiſſimum Regnum Franciæ e finibus ſuis eiecit) plus credant demum Germaniæ populi, quam Generali Concilio, quod tam inſtanter petunt eiꝯq; Decretis obediẽtiam promittunt tot tantq; Principes & Ordines totius Ro. Imperij? Quis obſecro, tam cæcus & peruerſus ſit, ut hoc æquum aut rationi conſentaneum eſſe iudicet?

Quid quaſo proſcrt nugax Cenſor iſte in
Mendaci Catharinum aliud, quam impudentiſſima menda-
um de Ca cia, procaciſſimaq; conuitia: Dicit uenerabilem
tharino. ſenem iſtum, putridum cadauer & ſilicernium.

1. Tim. 5. Quem ut patrem, iuxta Pauli præceptum, reuereri debebat: tuq; probe noſti, quam uiuida & omnibus ſenſibus adhuc integra, ſit iſti uiro ſcæneſta. Dicit nugator, eum tam turpiter omnium Ordinum conſenſu exhibitum, & tanto dedecore a Luthero proſtratum, ut in hominum conſpectũ, ſi ſaperet, nunq̃ prodire debuerit. At extat adhuc Libri eiꝯ, ante 27. annos, ab eo in Lutherum æditi, quorum ego partem nuper denuo excudendam in Germania, noſtro Typographo tradidi, ut Lutherani uel ſerò ex ijs rectè ſapere ac reſpiſcere inciperent, diſcerentq; poſt tot calamitates cladeſq; ſuas, recta monenti, & Lu-
theri

theri errores malignitatesq; & scelera, bona fide ex proprijs eius uerbis demonstranti, atq; conuincenti, fidelem præbere auditum.

At grauius accusat eum, notatq; & reum De quibus reum agit impietatis Caluinus, quod in Synodali oratione sua dicat, Beatam Virginem Dei genitricem, agit Catharinam Christi, eamq; eius Throno aspidere fintharinum gat, & Christum unum ex turba Aduocatorum Caluinus faciat, Quem Simeon unicum Dei salutare dicat.

Hæc sunt grandia illa impietatis crimina, quæ Catharina Caluinus impropere, tam rigida cum censura, ut propter ea uerba non solum explodendus fuerit ipse Orationis habitus Autor, sed etiam tota Synodus contemnenda sit. Sed impius iste Censor querit maliciose festucam in oculo fratris, & non uidet immanem impietatis trabem in oculo suo: Dum contra totius Ecclesie sensum & usum, denegare audet, Matri Christi societatem Christi, Thronumq; in cælo, & Aduocationis officium atq; pietatem. Redargutio.

Perinde, ac si Paulus contra Matrem Christi Deiparam (quæ Græci θεοτόκος uocant) dixerit ad Corinthios, Quæ societas luci ad tenebras? 2. Cor. 63 Quæ autem conuentio Christi ad Belial? Acquiribus itaq; auribus (ut uideo) audiret Caluinus, Deiparam uirginem dici Belial ac tenebras,

quam

DE CONCILIO

quam sociam Christi aut stellam maris, aut Advocatam nostram: Bone Deus, quanta est potestas Diaboli in eos, qui per superbiam plus uolunt sapere quam oportet: & ut aliquid in hoc seculo esse uideantur, Ecclesiam propter uanam gloriam per heresim deserunt, atq; alium sibi Deum &

Iob. 41. Dominum (quem Iob Regem super omnes filios superbie, & omne sublime uidentem dicit) forsquerunt, eiq; se sua sponte mancipant atq; subiiciunt.

Dei genitricem recedendo
Non ignorat, credo, impius iste Censor & Vitiligator, quod idem Apostolus Paulus in eadē illa ad Corinthios epistola clarijs uerbis expressse dicit: Scientes, quoniam sicut socij passionum estis, sic eritis & consolationis. Atqui Beatam Virginem Dei genitricem, fuisse fidelissimam sociam passionum, testantur manifestissimē duo Euangelistæ, Lucas & Ioannes. Lucas quidem per illius uenerandi senis Simeonis uerba, qui Matri Christi in templo dicebat: Et tuam (inquid) ipsius animam pertransibit gladius. Ioannes uero, per sua & ipsius Christi uerba: Per sua quidem ista. Stabant iuxta crucem IESU, mater eius, & soror matris eius etc. Per hæc deinde uerba Christi, quæ in cruce pendens dixit matri suæ, Mulier, ecce filius tuus. Hæc sane uerba, ipsam ita sociam

Luc. 2.

Iohan. 19.

ita sociam passionum Christi fuisse testantur, ut a pijs & ueris Christianis sine lachrymis & cordis compassione uix audiri aut proferri queant. Si ergo Mater Christi fuit passionum socia, & quidem constantissima usq; ad ipsius mortem, quam ille pro nobis sua sponte subiit, Quid obsecro iniuriæ sit, si consolationis quæq; socia esse dicatur? Nonne longe minoribus id ipsum promisit Paulus?

Dicit præterea idem Apostolus, in priore ad eosdem Corinthios epistola, Fidelis Deus, per 1. Cor. 1. quem uocati estis in societatem filij eius Domini nostri IESU CHRISTI. Quid ergo? Si Paulus rectè ac piè dixit generaliter, Corinthios (quos tamen de multis uitij erroribusq; paternè arguebat ac emendabat) per Deum uocatos fuisse in societatem Christi: Quo rogo iure, aut per quod uerbum Dei conuincet Catharinum, uelut impium & hæreticum Calvinus, ex eo, quod ille coram synodo sancta, dixit Mariam Dei genitricem, sociam Christi, aut a Deo in societatem Christi uocatam? Est ne uox illa Catharini usq; adeo impia & absona, ut tam diram execrationem Caluini mereatur?

Ait enim Conuiciator iste inter cætera sic.

Et uo-

Dira uer-
ba Cal. in
Cathari.
propter
B. Virg.
Mariam.

*Et uocem adeo sacrilegam, in
tali confessu prolatam, & excep-
tam non paruo fauore, posteritas
nunquam credidisset, nisi ab illis
publicata fuisset. Oratio. Quid
enim est Christum lacerare, si hoc
non est?*

Quis lace-
rat Chri-
stum.

*Sed longe uerius in B. uirginem Dei geni-
tricem impius & sacrilegus est Caluinus, qui de-
trahit id honoris, Castissime Virgini Matri Chri-
sti, quod Paulus Apostolus tribuit bis (ut iam re-
citatum est) haud ita sanctis, & uita meritisq;
longe imparibus, Corinthijs. Quis igitur magis
impie lacerat Christum? Catharinus ne, qui Ma-
trem Christi, iuxta Pauli attestationem, ut sociam
passionum, ita & consolationis dicit? An non
longe uerius potiusq; lacerat Christum sacrilegus
Caluinus, qui diuidit ac dissociat Matrem Christi
a Christo, tanquam sacratissimum templum a Deo
suo, & matrem a filio suo: & Ecclesiam, quæ
Corpus & sponsa Christi est, scindit per hæresim.
& erroris arguit temerè & iniquè per calum-
nias? Addit uero & aliam protinus iniuriam,
dum*

dum ait: Et asidere fingitur Christi mater eius throno, ut gratiam nobis impetret. At non fingitur, sed uerissimè affirmatur hoc authoritate utriusq; Testamenti. In ueteri quidem ex facto Salomonis, qui typum Christi (qui uerus est pacificus) gerens, matri suæ posuit thronum, iuxta thronum suum, & dixit ei, Pete mater mea, neq; enim fas est, ut auertam faciem tuam. Cui & Adonias, frater Salomonis, prius dixerat, Neq; enim negare tibi quicquam potest: Quanto autem securius confidentiusq; nos hæc dicere possumus Matri Christi? Verus enim Salomon (id est pacificus) Christus longe benignior est, quam Iudaicus ille fuit, & MARIA mater eius longe sanctior maiorisq; meriti est, quam Bethsabæe fuit, aut esse potuit.

De Throno Mariæ in cælo.

3. Reg. 2.

Et in nouo Testamento manifestè dixit ipse Christus fiducialiter ad Patrem: Pater, quos dedisti mihi, uolo ut ubi sum ego, et illi sint mecum. Idem ad discipulos suos: Vado (inquit) parare uobis locum. Et si abiero, & præparauero uobis locum, iterum uenio, & accipiam uos ad meipsum, ut ubi sum ego, & uos sitis. Rursus generaliter ait: Si quis mihi ministrat, me sequatur: & ubi sum ego, illic et minister meus erit. Si quis mihi ministrauerit, honorificabit eum pater meus,

Ioh. 17.

Ioh. 14.

Ioh. 12.

B

Et iterum

- Matt. 19. Et iterum ad Apostolos per alium Euangelistam
Amen dico uobis, quod uos, qui secuti estis me, in
regeneratione, cum sederit filius hominis in sede
Maiestatis suæ, sedebitis & uos super sedes 12.
Luc. 22. iudicantes 12. tribus Israel. Et id ipsum in ultima
quoq; cœna promisit eisdem, sicut alius refert
Euangelista. Deniq; & in Apocalypsi Ioannis
adhuc apertius & ad propositum accommodatius
Apoc. 3. sic ait. Qui uicerit, dabo ei sedere in throno meo,
sicut et ego uici, & sedi cum patre meo in throno
eius.

Quid ergo dicemus ad tot scripturæ locos,
& tot certissima & clarissima uerba Christi? An
potest quisquam tam cæcus & uacors esse, ut ex-
istimet, aut dicere audeat, plus credendum hic esse
Caluino, Mariæ Dei genitricis Blasphematori,
sine omni & scriptura & ratione, inaniter stulta
præcipitatione garrienti, & contra totius Eccle-
siæ communem sensum & sententiam, Mariæ de-
trahenti: quàm ipsi Christo, qui est ipsa ueritas?
& Ecclesiæ Christi, quam non uane Columnam
& basim ueritatis uocat Apostolus, Christi uas
electum?

At dicet fortè Caluinus, ut impudentissimæ
temeritatis est et audaciæ perfrixi q; frontis, Ma-
ioris fuisse apud Christum meriti, respectusq; &
honoris

TRIDENTINO.

honoris Apostolos, quam ipsius matrem: Nos huic
 uanitati breuissimè opponimus historiam antiqui
 & ocularis testis rei gestæ S. Dionysij Areopagita
 e, ubi de obitu Mariæ Dei genitricis, inter cætera
 sic ait.

Namq; & apud ipsos diuino spiritu plenos Dionys. de
 Pontifices nostros, cum & nos (ut nosti) & placet Diuinis
 rig; ex sanctis fratribus nostris, ad contuendum nominib;
 Corpus illud, quod Authorem uitæ Deumq; ceperat, c. 3. parte
 perat, conuenissemus (Aderat autem & Frater
 Domini Iacobus, & Petrus, supremum decus &
 antiquissimum Theologorum columen) ubi post
 contuitum placuit, ut infinite potentem laudarent
 omnes, quisq; pro captu suo etc. Ecce frater Do-
 mini Iacobus, & Petrus, supremum (etiam si Cal-
 uino & omnibus Lutheranis Zuinglianisq; rum-
 pantur ilia) decus, & pleriq; alij ex sanctis fra-
 tribus conuenerunt, ad contuendum corpus illud,
 quod authorem uitæ Deumq; ceperat. Quis rogo
 Apostolorum huic possit iure præferri aut equa-
 ri honoris priuilegio?

Audiat igitur Caluinus, quid contra has suas
 in matrem Christi blasphemias, ad nobilem Ma-
 tronam Romanam, Paulam & ad Chorum sacra-
 rum uirginum de festo Assumptionis Mariæ di-
 sertissime scripsit, ante 1160. annos S. Hierony-

Verba
 Hierony-
 mi de As-
 sumptio-
 ne Mariæ

DE CONCILIO

mus. Hæc est Dies (inquit) præclara, in qua uirgo Maria meruit exaltari super choros angelorum, & peruenire ultra quam nostræ humanitatis est natura: ubi non substantia tollitur, sed gloriæ magnitudo monstratur: cum eleuatur in dexterâ patris, ubi Christus pro nobis intrauit, Pontifex factus in æternum, ad cœli palatium. Hæc est inquam dies (ait) in qua usq; ad throni celsitudinem intemerata uirgo & mater processit, atq; + in regno solij sublimata, post Christum gloriosa resedit. Hæc ibi Hiero. ubi & falsam Caluini querelam (qua ficto zelo & Diabolica fraude queritur lacerari Christum throno & honore Mariæ matris eius) breuiter sic confutat. Honor (inquit) maternus eius est, qui natus est ex ea.

Ex his uides iam, Erasme Doctissime, quam Altiori honore ac ratione Christus dicitur Aduocatus & lux mundi, quâ Maria et Apostoli. temeraria & iniqua impiaq; ac planè blasphe-
ma sit, in quædam uerba Catharini, censura Caluini. Cæterum, quæ calumniatur de Aduocata, cõfutaui ego iam pridem in alijs, aduersus illius Complices Bullingerum, Musculum, Bucerum, etc. scriptis meis: Nunc alijs necessario intentus studijs & negocijs, hoc breuiter responderim: Longe altiori ratione dici a nobis Aduocatum Christum, Deum & hominem, quam Aduocatam Mariam aliosq; sanctos: Et meram esse calumniam Caluini,

Caluini, qua dicit, illam a nobis sic aduocatam dici, ac si dimidia ex parte hoc ei cum Christo competat.

Nam Christus ipse ab hac nos liberat calumnia, qui non æquali honore ac ratione dicit de se ipso, Ego sum lux mundi, Et ad Apostolos suos: Vos estis lux mundi. Adeo enim inæqualis est ibi ratio Epitheti, ut Ioannes Euangelista palam dixerit de Iohanne Baptista. Non erat ille lux, sed ut testimonium perhiberet de lumine: De quo tamen Christum ipsum dixisse non ignorabat: Amen dico uobis, Non surrexit inter natos mulierum maior Iohanne Baptista. Et tantum, de iniurijs Caluini in Catharinum nostrum, qui utiq; longè copiosius eruditiusq; (si uolet) eas a se depellere, & in ipsum Censorem, usq; adeo temerarium & immaturum, retorquere poterit.

Restat igitur, ut de altera quoq; parte, ubi de sacramento Confirmationis agendum est, qua potero breuitate Caluino respondeam: si prius Concilij Decreta, sicut a Caluino recitantur, in medium produxero.

Ex septima Sessione tres Canones de Confirmatione.

SI quis dixerit, Confirmationem

Baptizatorum ociosam Cæremoni
am esse, & non potius uerum ac
proprium sacramentū: Aut olim
nihil aliud fuisse quam Catechesin
quandam, qua adolescentiæ proxi-
mi, fidei suæ rationem coram Eccle-
sia exponebant: Anathema sit.

Si quis dixerit. Iniurios esse spi-
ritui sancto eos, qui in sacramento
Confirmationis Chrismati uirtu-
tem aliquam tribuunt, Anathe-
ma sit.

Siquis dixerit, Sanctæ Confir-
mationis Ordinarium ministrum
non esse solum Episcopū, sed quem-
uis simplicem sacerdotem: Ana-
thema sit.

Censura Caluini, in Canonem

primum.

Quia

Quia bisulcum est hoc *Ana-*
thema, ne priore sulco feri-
 ar, mature ex eorum numero me ne-
 quanquam esse profiteor, qui ocio-
 sam confirmationis Cæremoniam
 esse putant, qualis sub Papatu
 Romano observatur: Vtpote qui
 eam inter maxime exitiales Sathæ-
 næ præstigias numerè. Memineri-
 mus, nusquam in scriptura nobis
 commendari, quod fingunt sacra-
 mentum: Neq; hoc nomine, neq; hoc
 ritu, neq; hac significatione &c.

Responsio Cochlei.

Consydera obsecro, mi Erasme, quam pro-
 cax ac fastuosa sit huius prætensi Censo-
 ris superbia, mentisq; elatio, & præceps
 confidentia: qua tam secure, absq; omni causa &
 ratione, atq; scriptura, irridet ac blasphematur hoc
 sacrum, & omnibus Christianis (ipsis etiam

Gigante
 us fastus
 Caluini.

DE CONCILIO

Apostolis, & primis, uetustissimisq; eorum discipulis) uenerabile ac Sacrosanctum Chrisma Confirmationisq; sacramentum. Quod Gigas iste confidentissimus (ut ceteris hæreticis longe doctior audaciorq; uideatur) nimis modestè reijcere ac prophanare putat eos, qui illud ociosam Cærimoniam contemptim uocitant: Ideo ipse uelut Centimanus quidam Briareus, ut atrocius inmaniusq; oppugnet, numerat antiquissimum hoc Ecclesiæ sacramentum, inter maxime exitiales Satanae præstigias.

Lutherus Similis in hoc Luthero suo, qui iam olim con
 simili iactantia gloriabatur in superbia sua, &
 Io. Hufs. nequissima ingenij sui abusione. Si Ioannes Hufs
 (tametsi publice condemnatus Constantiæ, in generali Concilio, atq; etiam combustus & incineratus authoritate Imperiali, ac seculari potestate) semel fuerit hæreticus: ipse Decies magis sit hæreticus. Quid igitur efficias aut proficias contra tam obstinatos ac omni pudore destitutos hæreticos, si uel Centum in eos euulges libros?

Ad feditiones na
 ri Hæretici. Confisi enim uiribus suorum Receptatorum, palam contemnunt omnem Iurisdictionem Ecclesiasticam, tam summi Pontificis quam loci Ordinariorum Episcoporum, ac Prælatorum quorumcunq; & ad turbas præterea seditionesq; concitandas

TRIDENTINO.

tandas ita proni sunt & sirenui, atq; etiam Mille-
artificis instinctu ingeniosi, ut ad eas nati esse ui-
deantur. Vnde factum esse uidimus, prohdolor,
ut summi etiam Principis, Potentissimi ac Inui-
ctissimi Cæsaris & Imperatoris nostri, Supremi
Ecclesiæ Aduocati, Edicta, Mandata, Sententias,
Recessusq; (ut uocant) Imperiales, suis fucis &
artibus in eum adduxerint contemptum: non so-
lum apud temerariam & inconsultam multitu-
dinem, uerum etiam apud multos sacri Ro. Impe-
rij Principes Procuresq; & Ciuitates: ut prope-
modum uniuersalem defectionem ac rebellionem
secularium Principum ac populorum, ante bien-
nium, aduersus illum excitauerint: eamq; omnium
periculosissimam ac maxime calamitosam suis.

Defectio
& Rebel-
lio cōtra
Imp. An-
no 1546

Neq; tamen adhuc desinunt proteruire, sed per-
inde ac si uictores fuerint, audacius in obstinata
malignitate sua progrediuntur, & furioso elati
animi tumore, superbe contemnunt omne consili-
um iudiciumq; et auctoritatem, non solum summo-
rum Capitem utriusq; potestatis, sed etiam Gene-
ralis Concilij, quod totam Ecclesiam Christi re-
fert ac repræsentat. Sicut fecerunt olim Donati-
stæ, qui malebant seipsos uel gladio uel præcipi-
tio, desperatione sanè obstinatissima interimere,
quam ulla ratione, authoritate aut consilio ad

Donati-
stæ.

DE CONCILIO

ad Tit. 3. Ecclesie fidem reduci. Tales itaq; deuitare, tanquam proprio iudicio condemnatos iubet Apostolus.

Ut clarius tamen appareat, quam impudens
 & mendax sit, superbissimi huius Goliath iactan-
 tia, referam hic per compendium certa ac lucu-
 lenta, de uetustate huius sacramenti, sanctorum
 patrum testimonia: Inter quos sanè, primum post
 Apostolos & Euangelistas locum, meritò habere
 uidetur, diuinissimi et doctissimi Pater S. Dio-
 nysius Arcopagita, qui proprium ac benè pro-
 lixam hac de re Caput ad Timotheum perscrip-
 sit.

DIONYSIUS.
 de Eccle.
 Hiera. c.
 4.

Hæc habuimus (inquit) quæ de sanctissima
 Synaxi diceremus. Sed enim alia est, huius fini-
 tima, uenerandi confectio Vnguenti, Consecra-
 tionem eam uocant Praeceptores nostri. Et infra,
 Est igitur, ut dixi (quod nunc laudatur a nobis)
 Sacrosanctum mysterium eius ordinis atq; uirtu-
 tis, ut sacerdotalia cuncta perficiat. Atq; ideo
 sancti praecipites nostri, istud quasi equali ordi-
 ne atq; officio, sacro Synaxeos coniungere myste-
 rio, eisdem imaginibus, ut plurimum, & distin-
 ctionibus mysticis, & eloquijs subnixum sacris.
 Et post multa, sub finem: Vnde, ut opinor (inquit)
 iuxta sacratiorem sensum traditione diuina, Sancti
 nostri

TRIDENTINO.

nostræ sacerdotalis functionis Duces, honestissimum istud unguenti consecrandi munus Teleten, Telete. i. ab affectu rei, quæ in eo perficitur, nominant. perfectio

Hec breuiter ex Dionysio: Equibus sanè non pauca mendacia et sacrilegia Caluini depræhenduntur, & conuinci possunt. Is enim hoc mysterium, horrenda cū blasphemia, numerat inter maxime exitiales Sathanæ præstigias, Idq; facit sine omni ratione, sine omni teste atq; scriptura. Dionysius uerò, ubiq; suis de hoc sacramento traditionibus, testes adducit suos Præceptores, & sacerdotalis functionis Duces. Quos uero alios nisi Apostolos & Hierotheum? Quis igitur non censeat, longè iustius & securius credendum esse Dionysio Pauli Apostoli discipulo, quam Caluino hæretico, manifesto Ecclesie desertori & hosti, quem nullius pudet mendacij?

Alter ex primis Apostolorum, præsertim Petri & Pauli, discipulis est Clemens, sanctissimus CLEMENS, Martyr & Pontifex, successor S. Petri In sede Apostolica, Cuius honorificam facit mentionem, in sua ad Philippenfes epistola, S. Paulus in hæc uerba: Etiam rogo & te Germane compar, adiuua illas, quæ mecum laborauerunt in Euangelio, cum Clemente & cæteris adiutoribus meis, quorum nomina sunt in libro uitæ. Hic igitur Clemens in Quarta Phil. 4.

in Quarta sua (quam nominatim ad Iulium & Iulianum, eorumq; Consodales inscripsit) Epistola, de isto Confirmationis & Sancti Chrismatis

Verba sacramento sic ait.

Clemen- Omnis ergo festinandum est, sine mora
tis de Cō renasci, & demum consignari ab Episcopo: Id est,
firmatio Septiformem gratiam spiritus sancti percipere,
ne. Quia incertus est uniuscuiusq; exitus uitæ. Nisi
autem regeneratus fuerit per aquam, & postmo-
dum septiformi spiritus gratia ab Episcopo (ut
memoratum est) confirmatus: aliter perfectus
esse Christianus nequaquam poterit, nec sedem
habere inter perfectos, si non necessitate, sed in-
+ reman- curia aut uoluntate + permanscrit: Vt a Pe-
serit. tro accepimus, & ceteri sancti Apostoli, præ-
cipiente Domino, docuerunt. Et demum ex ope-
ribus bonis ostendat in se similitudinem eius, qui
eum genuit, patris.

Hæc S. Clemens, qui non solum per sese fide
dignus, & omni exceptione maior apud omnes
Christianos merito habetur testis, sed etiam S.
Petri cæterorumq; Apostolorum, atq; adeo ipsius
quoq; Domini authoritatem & testimonia pro-
fert: Vt nesciam equidẽ, quomodo certius aut eui-
dentiùs aliquid de hoc Confirmationis usu & sa-
cramento, produci possit aut debeat: Caluinus
autem

autem nihil aliud affert in contrarium, nisi proprias sui oris impurissimi et impij cordis blasphemias.

Sed confugiet forsitan hic ad usitatum Hæreticorum Asylum, & negabit hanc Clementis esse Epistolam, sicut & Bucerus, alijq; complices eorum faciunt: more ueterum hæreticorum, quorum alij Paulum, alij Lucam, alij Iohannem, alij principium aut finem Euangelij secundum Mattheum reiecerunt: Atq; recenti temeritate & exemplo Lutheri sui, qui friuola superbie suæ præsumptione per falsam & impiam censuram reiecit, e sacrorum librorum Canone & Catalogo, aliquot Apostolorum Epistolas, nempe Pauli ad Hebræos, Iacobi item & Iudæ, atq; etiam sacratissimam Apocalypsin Iohannis.

Neq; tamen alios huiusmodi Epistolarum et librorum Authores indicant, aut ulla rationabili probatione indicare possunt. Quis ergo censeat æquum esse, ut temerario & omni ratione atq; probatione nudo ac destituto eorum iudicio potius credendum sit, quam ipsi Ecclesiæ Catholice (cui ipsimet concedunt inter sacros & Apocryphos libros discernendi authoritatem, ut eorum publicis patet Colloquijs) ac tot seculorum fide approbatis ac publice receptis titulis Authorum?

Asylum
Hæretico-
rum usita-
tum.

Luth. in
præfati-
on. no.
test.

Vide Ac-
ta Collo-
quij Ra-
tispon.
Anno
1541. ha-
biti.

DE CONCILIO

**Vasense
Concili-
um.**

Contra hoc igitur fucatum Caluini, & Bua-
ceri effugium, omnibus qui in reprobum sensum
non sunt a Deo traditi, sufficere potest, ac debet
Antiqui Vasensis Concilij testimonium, ante Mil-
le annos, temporibus Theodosij II. Imperato-
ris publicatum. Cuius ego Canonem sextum, ante
22. annos, in Nuncupatoria quadam ad pijsimum
ac serenissimum Principem, Regem FERDI-
NANDVM, Dominum & Patronum meum
omnium Clementissimum, publice recitavi, in hæc
uerba. Ex Epistola (inquit Canon sextus) san-
cti Clementis, utilia, & presenti tempore Eccle-
sij necessaria, sunt honorifice proferenda, & re-
uerenter ab omnibus fidelibus ac præcipue Cle-
ricis, recipienda: Ex quibus (quod specialiter
placuit, propter uenerandam antiquitatem) sta-
tutis presentibus roboramus, quod supradictus
Martyr de Beatissimi Petri Apostoli constitutio-
ne commemorat &c. Quid autem responderunt
hactenus, per 22. annos, ad hæc Vasensis Concilij
uerba, superbi ac temerarij Censores isti? Qui
nullo iure, sed propria præsumptione constituunt
seipsos Cognitores & arbitros, super sacre scrip-
turæ et Apostolicorum uirorum libros: atq; adeo
impudentissimo inuerecundiæ ausu, semetipsos fa-
ciunt Iudices Dei & spiritus sancti: cuius instinctu
afflati

afflati scripserunt, & ab eo inspirati (ut ait S. Petrus) locuti sunt sancti Dei homines. 2. Pet. 1.

Vt autem citra omnem excusationem & re-
cusationem, plenam habeamus de hoc sacramen-
to sacri Chrismatis & Confirmationis probatio-
nem, iuxta Dei & Christi eius auctoritatem &
sententiam, ut in ore Duorum aut Trium testium Deut. 19.
stet omne uerbum: superaddam & Tertium ex Matt. 18.
antiquis patribus testem, S. Fabianum. Ro. Pon-
tificem & Martyrem. Qui in secunda Decretali
Epistola sua, quam ad Orientales Episcopos de-
dit, inter cætera sic habet.

Cura est ergo uestre (inquit) sollicitudinis Verba 3.
adhibenda, ut ea quæ sunt ab Apostolis, eorumq; Fabiani.
successoribus ordinata, et instigante sancto spiri- Anno
tu instituta, nec dissimulatio negligere, nec ali- Domini
qua præsumptio ualeat perturbare. Sed sicut hoc, 1 4 7.
quod rationis exigebat utilitas, oportuit definire:
ita quod definitum est, non debet uiolari. Literis
uestris uero inter cætera insertum inuenimus,
quosdam religionis uestre Episcopos, a uestro no-
stroq; ordine discrepare, Et non per singulos an-
nos in Cœna Domini Chrisma conficere, sed Duos Chrisma
aut Tres annos, confectionem sancti Chrismatis in die coe-
semel actam eos seruare. Dicunt enim (ut in me- ne Domi-
moratis reperimus apicibus) nec Balsamum per ni confi-
singulos cere.

DE CONCILIO

singulos annos posse reperiri, nec necesse fore
 per singulos annos Chrisma conficere, sed dum
 una confectio Chrismatis abundat, aliam fieri ne-
 cesse non habere. Errant enim qui talia excogi-
 tant, & mente uersana potius quam recta sentien-
 te hæc audent. In illa die Dominus IESVS, post-
 quam coenauit cum discipulis suis, & lauit pedes
 eorum. Et sicut a sanctis Apostolis Prædecessores
 nostri acceperunt, nobisq; reliquerunt, Chrisma
 conficere docuit. Ipsa enim lauatio pedum no-
 strorum significat Baptismum, quando sancti
 Chrismatis unctione perficitur atq; confirmatur.
 Nam sicut ipsius diei solennitas per singulos an-
 nos est celebranda: ita ipsius sancti Chrismatis
 confectio per singulos annos est agenda, & de
 anno in annum renouanda, et fidelibus tradenda,
 quia nouum sacramentum est, et per singulos an-
 nos in iam dicto die innouandum, & uetus in san-
 ctis Ecclesijs cremendum.

Ista a sanctis Apostolis & successoribus eo-
 rum accepimus, uobisq; tenenda mandamus. Hæc
 sancta Ro. Ecclesia & Antiochena, a tempore
 Apostolorum custodit, Hæc Hierosolymorum &
 Ephesinorum tenet: In quibus Apostoli præsti-
 dentes hæc docuerunt, et uetus Chrisma incendi, ac
 non amplius quam uno anno uti permiserunt,
atq;

atq; deinceps nouo frui & non ueteri, iubentes docuerunt.

Siquis ergo his obuiare tentauerit, omnem sibi, per nos & per omnes recte intelligentes, indulgentiæ aditum intelligat obseratum. Quia prauissimarum mentium peruersa doctrina, dum indulgentius frenis utitur, in prauaricationem præsumptionibus dilabitur, & nullatenus eruiatur nisi prudentium sustentatione & correctione liberetur.

Hæc Fabianus, qui conformiter, ut priores Duo testes fecerunt, hunc Chrismatis ritum & sacramentum, Apostolorum doctrinæ & ipsius Christi institutioni tribuit, & acceptum refert. Quis igitur uerè Christianus non iudicet dignum fustibus & plumbatis, atq; etiam pugnis, lapidibusq; tundendum ac obstruendum os durum Caluini? qui sacrilego ausu, absq; omni ratione & authoritatis aut scripturæ testimonio, scribere ac dicere non ueretur.

Os durū
Caluini.

Confirmationis Cærimoniam, qualis sub Papatu Romano obseruatur, inter maxime exitiales Sathanæ præstigias numerādā esse:

C

Et multum

Et multum ab ociosa Cæremonia differre sacrilegium tam execrandis blasphemijs refertum.

Cum nihil prorsus ostendat, nec ostendere possit (etiāsi durissima Questionis tortura premeretur) quod in hoc tam antiquo Ecclesie ritu, per continuum usum & nimiam repetitionem tam in Oriente quam in Occidente, ab Apostolis usq; deducto: quod iure ac merito, uel in uerbo uel in facto, sacrilegium aut blasphemum dici queat.

Quæ est igitur tam audax impiq; & nefanda huius desperati ac profugi Nebulonis impudentia, ut ausit adeo temere, supra & ultra quorumlibet Histrionum leuitatem, scurrarumq; dicacitatem & amarulentiam, os suum ponere in cælum, ipsiq; Apostolis & Apostolicis uiris, Christi Martyribus, & uniuerse per totum Orbem Ecclesie, perpetuæ consuetudini absq; omni causa & probatione contradicere, & nihil aliud afferre, præterq; scurriles irrisiones, calumniasq; manifestas, & amarulenta, in quoslibet patres atq; etiam in antiqua Concilia, probra atq; conuitia?

Conciliū Nam & Aurelianense Concilium, in dedecus
Aurelianense, cuius et opprobriū Christianissimi Regni Francie,
 repræ-

reprehendere ac irridere non ueretur. Sic enī
nit.

Extat etiam Decretum Aurelianensis Concilij, neminem debere existimari Christianum, qui non Episcopali unctione fuerit Chriſmatus. Digna enim sunt (inquit) corū uerba quæ pueris quoq; propinentur in ludibrium.

Hæc Literator iſle Grammaticus, qui totam Eccleſiam ſuæ cenſuræ iudicioq; uult habere ſubiectam & obnoxiam. An uerò Decretum huius Concilij bona fide recitet, neq; affirmare neq; negare auiſim, Cū non habeam hic librorum copiam, unde id cognoscere poſſim. Video tamen hoc Decretum non alienum eſſe a longe antiquiore Decreto S. Clementis, quod a me recitatum eſt ſupra: Niſi quòd ibi ad hoc uocabulū Chriſtianus, additur hoc adiectiuum Perſectus: quod hic omiſſum eſſe uideo: fraude ne. & malicia Caluini, ut inde iuſtiores uidcatur habere reprehendendi anſam, an uerò negligentia Typographi, aut ipſius Concilij uoluntate, dicere non poſſum. Non dubite

DE CONCILIO

tamen, illud Decretum conformiter ad sensum
S. Clementis, a patribus istius Concilij, & intel-
lectum & statutum fuisse.

Quod autem irridetur a maledico Rhetore
Christo, propter hanc (ut arbitror) uocem, Christma-
tus, mera petulantia & Momica quædam repræ-
hendendi libido est. Quasi uero minimè liceat
Catholicis dicere, breuitatis gratia, Christmatum,
id est, Christmate consecratum & inunctum: Cum
ipsi hæretici, irrissonis gratia dicant iniuriose
Episcopos & presbyteros nostros, Idola Oleata.
Qua rogo ex Grammatica aut Rhetorica potius
Oleatum, quam Christmatum dicere, uel ipso Mo-
mo iudice, liceat? Nec tamen pudet hunc im-
probum Sophistam, in re tam sacra et seria, scur-
riliter ludere & insultare, propter unam uocu-
lam, minus quidem apud Grammaticos usitatam:
rem tamen ipsam breuius commodiusq; ac magis
propriè apud intelligentes, & purè Christianos
explicantem.

Quod autem ait, Nusquam in scripturis
nobis commendari quod fingimus sacramentum:
uanum est effugium, & uetus hæreticorum præ-
sidium, per quod nihil uolunt recipere, quod in
scripturis ad literam non uideant expressum. At
nihil ei prodest. Nam persæpe confutatum est hoc
eorum

orum fundamentum, præsertim ab Anglis, & quibusdam Bohemis, atq; etiam a mea paruitate, in plerisque contra huius temporis hæreticos æditis libris, nominatim in Bullingerum, Musculum, Bucerum, Caluini complices. Hic breuitatis gratia ex uno Sedclij libro: quem de templo Salomonis Mystico doctè scripsit, & quem nunc sub prælo uersat hic noster Typographus: paucula referam, quibus confundatur iste Caluini fastus.

Etenim in Tertio Capite (quod est de Templi loco) sic ait, Fallaciter ac certe maliciose Ecclesie Inimici scripturas petunt, quando pro scriptura nil nisi literam uolunt, sacrationem scripturæ calamo spiritus exaratam contemnentes: Cum tamen legem Christi in tabulis cordis scribendam ex Hieremia legant. Et infra, De Ecclesia uero, Hierem. 31. bone Deus, quis satis exprimat, quàm peruerse, quàmque contumeliose iudicent? Cum illam non tanto dignentur honore, quanto literam scriptam: Cum tamen ea authoritatem non haberet, si illa non dedisset: illaque esset etiam hac omnino deperdita. Quis enim audeat dicere, Ecclesiam ex litera scripturæ pendere, quando possibile sit, codices omnes perditum iri, Ecclesiam uero minime? Hæc Sedelius. Sed blateret, ut lubet, improbus conuitiator & derisor iste, ex pestilentie

DE CONCILIO

Summa cathedra sua, contra antiquissimum istud Chris-
 Conclufi matis sacramentum: pius certe & uerus Christi-
 onis de sa anus, qui se a Chrismate Christianum dici & esse
 cramen- gaudet, longe iustius & securius fore censebit,
 to Confir ut de hoc sacramento Confirmationis credat, &
 mationis uenerabiliter acquiescat sacro & Oecumenico
 Concilio Tridentino, quod summa Patrum do-
 ctissimorum diligentia et exactissima discussione,
 præuia, Canones, & Decreta sua constituit, &
 sancti spiritus instinctu (iuxta certissimas Chri-
 sti promissiones) examinauit, antequam publi-
 carentur: quam ut uelit aut debeat contra hoc
 Ecclesie Sacramentum aures præbere, aut stulie
 ac temere credere nugacissimo huic Blateroni,
 qui nihil aliud affert nisi procaces Irrisiones, &
 impias atq; sacrilegas ore nefario blasphemias.
 Quandoquidem ex supra dictis Dionysij, Clemen-
 tis, & Fabiani testimonijs, liquidissime ostensum
 est, hoc sacramentum a Christo eiusq; Apostolis
 traditum, & perpetuo Ecclesie usu obseruatum,
 atq; etiam omni iure et consuetudine per longissi-
 mam præscriptionem confirmatum, roboratum et
 approbatum fuisse & esse, antequam Calvinus,
 Buccerus, Musculus, alijq; eorum complices nati
 fuerunt.

Etenim Tres illi sanctissimi Christi Martyres,
 eo digniores

TRIDENTINO.

eo digniores fide sunt, et testimonij Irrefragabilis Tres tes-
 autoritate, quo re ipsa & in facto per mortem Ihesus Irre-
 suam testimonij (quod græce Martyrium dicitur) irragabi-
 nomen & dignitatem consecuti sunt, iuxta illud les.
 uerbum Christi, Qui me confessus fuerit coram Matt. 10.
 hominibus, confitebor & ego eum coram patre
 meo, qui in cœlis est. Calvinus autem cum socijs
 suis, quia heretici sunt, & ipso facto Excommu-
 nicati atq; Infames, nullo iure ad dicendum testi-
 monium admitti possant. Neminem igitur mo-
 uere debent eorum maledicta: talia præsertim,
 qualia sine omni scriptura et autoritate, ex me-
 ra calumniandi libidine, profert audaci temeri-
 tate contra sacrum Concilium Calvinus.

Nos namq; ultra illos tres Martyres, habe-
 mus adhuc Innumeros alios Martyres & Con-
 fessores Christi, qui de hoc Confirmationis sacra-
 mento, & Chrismatis usu atq; confectione, uno
 consensu & ore, Decretis Tridentini Concilij
 astipulantur & consonant: Quos ad præsens bre-
 uitatis gratia commemorare supersedeo, Nisi
 quod unus aut alterius pauca uerba in mediū re-
 ferre, pro maiori declaratione, non nihil ad rem
 facere uidetur. Etenim S. Hieronymus, contra Hiero.
 Luciferianos ait, Laicos in necessitate posse Bap-
 tizare, sed sine Chrismate. Per hoc autē indicat.

Tres alij
 Testes de
 Chrisma
 te.

DE CONCILIO

Sacerdotes Chrismate uti debere, atq; consueuisse
in baptizando.

Ambro. Et S. Ambrosius pulchrè rationem et myste-
rium Chrismatis explicans, in libro de sacramen-
tis, sic dicit. Memento quid tibi dixerit Episco-
pus. Deus, inquit, pater omnipotens, qui te re-
generauit ex aqua & spiritu sancto, concessitq;
tibi peccata tua, ipse te ungat in uitam eternam.

Quid est
ungi in ui-
tam eter-
nam.

Noli ergo hanc uitam illi ante ferre: Verbi gra-
tia, Si exurgat inimicus aliquis, si uelit tibi fidē
tuam auferre, si minatur mortem, ut præuarice-
tur quisquam: uide quid eligas, Noli negligere
illud in quo nō es unctus, sed elige in quo es unctus,
ut uitam eternam uite præferas temporali, per
Christum Iesum, Dominum nostrum, Amen.

Rabanus Deniq; Rabanus Maurus, uir ingeniosissimus
simul & piissimus, Abbas quondam Fuldensis, &
paulò post sub Ludouico Pio Imp. Archiepisco-
pus Moguntinus (cuius admiranda & prorsus
Inimitabilis est in carminibus de laudibus sanctæ
Crucis, Ingeniositas & Inuentio) de hoc Chris-
matis sacramento & usu, ita breuissime (ut a
Gratiano in Patrum Decretis recitatur) testa-
tur, dicens. Postquam ascendit baptizatus de fon-
te, statim signatur a Presbytero in uertice cum
sacro Chrismate, ut Christi regni particeps fiat,

De Con-
secr. dist.
4. c. Post
quam,

& a

TRIDENTINO,

Et a Christo Christianus possit uocari. Hæc ille.
 Quid obsecro, inde sequitur aliud, nisi a Christi
 sto uerè Christianos non esse, neq; dici debere,
 qui sacrum Chrisma, neq; pro sacramento Christi
 agnoscunt, neq; eo inungi uolunt: sed sacrilego
 contemptu pedibus conculcant, & rancidum oleum
 uocitant: atq; etiam irreligiosissime ex tem-
 plis & ciborijs eijciunt, & uilius quàm aruinam
 habent, qua ad calceos suorum pedum utuntur.

Heu miseros, & nequissime ab incarnatis
 (ut in Edicto suo nominatim de Luthero testatur ipse
 Caesar) Diabolis huiusmodi deceptos homines,
 qui contra Pauli testimonium, negant Chrisma,
 et id genus alias res corporales, uerbo Dei &
 oratione sanctificari posse. Cum error eorum
 manifestissimè conuinci possit utriusq; Testamen-
 ti scripturis. Quandoquidem in lege ueteri tanta
 fuerit uis aquæ sanctæ, in quam sacerdos cum
 execratione maledicta congesserit, pro explorata
 mulieris de adulterio suspectæ, uel culpa uel
 innocentia, ut si biberet aquas illas amarissimas,
 & adulterij rea esset, mox inflato uentre compu-
 tresceret foemur eius, fieretq; in maledictionem
 & exemplum omni populo. Sin uero Innocens
 & impolluta esset, nihil ei nocerent aquæ illæ, sed
 secuta biberet & liberos pareret. Sed & aqua
 C 5 expiationis,

Error im-
 pius.

1. Tim. 4.

Num. 5.

Aqua Ze-
 lotipia.

Aqua Ex-
 piationis.

DE CONCILIO

expiationis, sanctificata a sacerdote, in quam cinis uaccæ a sacerdote immolata & combusta in-
 spersus esset, tantam expiandi uim habebat, ut
 aspersione sua immundos emundaret: Qui autem
 tacto humanæ animæ morticino, ea mixtione
 nollet aspergi, is pollueret tabernaculum Domini,
 & periret ex Israel.

Benedic-
 tiones re-
 rum cor-
 poralium

In nouo autem Testamento tanto maior est
 uirtus benedictionis in rebus corporalibus per uer-
 bum Dei & orationem sanctificatis, quanto san-
 ctius & perfectius est Nouum quam uetus Testa-
 mentum, iuxta illud Apostoli ad Hebræos testi-
 monium. Reprobatio fit (inquit) præcedentis
 mandati, propter infirmitatem eius & inutilita-
 tem: nihil enim ad perfectum adduxit lex. Intro-
 ductio uero melioris spei, per quam proximamus
 ad Deum. Nos itaq; Christiani firmiter credimus,
 per benedictionē fontis baptismalis, tantam inesse
 uim elemento aquæ, ut abluat a peccatis baptiza-
 tos qui non ponunt obicem, quia iuxta dictum

Aug. su-
 per Iohan-
 nem Tra-
 ctatu. 80.

Augustini, accedit uerbum ad elementum, & fit
 sacramentum.

Et per uerba consecrationis transmutatur
 substantia panis et uini in uerū corpus et sangui-
 nem Christi, sicut credunt ac docent omnes sancti
 patres. Id quod luculentissimè pariter & copio-
 sissimè

TRIDENTINO.

ssime demonstraui & conuicit contra Zuingli-
um & Oecolampadium, sanctissimus et piissimus
nostris temporibus Martyr Christi, Ioannes Fi-
scherus, Roffensis quondā in Anglia Episcopus. Episcopus
Roffensis
Caluinus autem & reliqui desertores fidei &
doctrinæ Ecclesiasticæ, omnia hæc negant & con-
temnunt: Irridentes nos propter antiquissimos
Ecclesiæ ritus, circa benedictionem salis et aquæ,
fontisq; baptismalis, maxime uero propter Trans-
substantiationem panis & uini in corpus & san-
guinem Christi.

Qui procul dubio per hæreses suas in repro-
bum sensum traditi, facti sunt canes & porci illi,
de quibus nos admonet Dominus in Euangelio,
Ne sanctum demus canibus, neq; porcis margaria Matt. 7.
tas. Et tantum in Caluini dictum sit sacrilegam,
scripturis nudam & mendacijs plenam, Censuram:
quam sibi tam impiè quàm superbe temeritate
propria usurpare & arrogare ausus est, contra
sanctissima & uerissima, de sacramento Con-
firmationis Concilij Tridentini Decreta. Qui &
omnia alia illius Acta & Decreta consimili ma-
ledicentia traducit, taxat, & uilitigat.

Hoc quidem nouum habet, atq; ultra alio- Peior ceteris hæ-
rum complicum suorum impietates nefarias super reticis
additum (quantum meminisse ualeo) quod sacra- Caluinus
mentum

DE CONCILIO

mentum Confirmationis reputat inter maxime exitiales Sathanae praestigias, atq; sacrilegium esse execrandis blasphemijs refertum. Quod alios dixisse non scio.

Luth. de Certe Lutherus in suo contra Ecclesiam præ
captiui. ludio multo mitius taxauit illud, Sic enim ait.
Babylo. Quare satis est, pro ritu quodam Ecclesiastico, seu Cæremonia sacramentali Confirmationem habere, similem cæteris Cæremonijs consecrandæ aquæ aliarumq; rerû. Nam si omnis alia creatura sanctificatur per uerbum & orationem, Cur non multo magis hominem liceat sanctificari eisdem? Quæ tamen quia promissionem diuinam non habent, sacramentum fidei dici non possunt. Hæc ille.

Acta
Lutheri
VVor-
matiz.

Qui alioqui contra Conciliorum autoritatem primus hisce nostris temporibus disputasse, alijsq; contradicendi ansam & audaciam præbuisse uisus est. Nam anno Domini 1521. cum personaliter uocatus VVormatiam, in Cæsareæ Maiestatis aliorumq; Imperij Principum ac Procerum conspectum, clementer admonitus fuisset, ut futuri Concilij determinationi causam suam submitteret: pertinacissime recusauit, sicut ipsemet iactitauit in suis Actis. Cumq; post habitum ea de re cum eo aliquot Principum colloquium, speciali quodam

dam colloquio id rursum peteret ab eo R. D. Archiepiscopi Treuerensis Officialis, uir egregie disertus, Domino suo presente (qui & me adesse iussit) Lutherus uero semper obijceret & inculcaret illud uerbum Apostoli, Quod si alij reuelatum fuerit sedenti, prior taceat. Ego ad breuiter declinandam & confutandam hanc eius obiectionem, ex abrupto interrogabam: An ipsi reuelatum esset? Is uero aliquantulum haerens, mox recepto animo diceret, sibi reuelatum esse. Ego breuissime iterum interrogauit, Quo id signo aut miraculo probaret, ut sic dicenti credere debeamus? Ille uero nihil afferebat. Interrupit itaque eam questionem quidam Iurisconsultus, ei proxime assidens, Cui & in patrocinium adiunctus ac deputatus erat.

Colloquium.

1. Cor. 14

Vt autem clarius tibi, Erasme mi Doctissime, ostendam, quid ille multis post annis semper sugillando de Concilijs senserit, in hæc sane uerba paucula quam breuissime referam ex Septicipite meo, quem anno Domini 1529. euulgauit. Quam iniurius (inquam) contumeliosusque & blasphemus in sacra Concilia fuerit plerumque Lutherus, nouerunt sane omnes, qui eius insanias, in Babylonem, in Abroganda missa, in Visione Danielis etc. legerunt; Ego breuitatis gratia, ex 500. tantum articulis

In Septicipite capitulum 34.

articulis, ad quos respondi ante aliquot annos, quædam succincte commemorabo hic. Ait igitur in sermone ii. super illud Christi. Attendite a falsis Prophetis. Matth. 7. Hoc (inquit) Euangelium subuertit funditus et radicitus Papatum, & omnia Concilia, quia non tenemur seruare quod Papa præcipit & homines constituunt. Quia dicit, Cauete a falsis. Oportet igitur, aut Euangelium mentiatur aut Papa simul cum Concilijs &c.

Protesta-
tiones &
Appella-
tiones
Lutheri
fraudulen-
tæ.

Antea uero fraudulentis et mendacibus protestationibus, atq; Appellationibus, humiliter sese et Papæ & futuro Concilio subiecerat, non solum coram Card. Caietano Legato Augustæ, uiuente adhuc tunc gloriose memoriæ Casare MAXIMILIANO, sed etiam Lipsiæ in disputatione, cum Doctiss. uiro D. Ioanne Eckio, et in quibusdam publicatis ab eo schedis. Quid multis & Certissimum profecto est illud, quod tum priuatim ad quosdam scripsit idem D. Eckius fœlicis recordatiōis, quod Lutherus nihil teneret de Concilijs Generalibus.

Quantumuis igitur promittant hodie Lutherani & Zuingliani, se uelle acquiescere Concilio Generali, si denuo Tridenti celebretur, mihi profecto nō uidebuntur ex animo loqui, quamdiu

Buccero

Bucero, Caluino, Melanthoni & id genus alijs
permittunt, publice contra Acta Concilij recens
celebrati, usq; adeo scurriliter, atrociter atq; ca-
lumniose & scribere & prædicare.

Quandoquidem & VVittenbergæ recens in Nouus li-
Teuthonico nuper æditus est libellus cuiusdam bellus
Crucigeri, In quo ualde iniquum esse censetur, VVitten-
petere a quibuslibet Christianis, ut futuræ cuius- bergæ a
cunq; Concilij determinationi sese subijciant, & Crucige-
acquiescere uelle promittant: sicut fit in sæcula ro nuper
ribus controuersijs. Vbi si sit uariis inter partes æditus.
alicuius legis intellectus, ad finiendam e: tollen-
dam litem, necessario standum & acquiescen-
dum sit demum illi sententiæ, quam superior po-
testas, super diuersa inter partes legis interpre-
tatione, tulerit aut approbauerit. Cruciger uero
multis ambagibus & nugacibus cordis sui fig- Amba-
mentis asserit, non esse parem rationem & pote- ges Cruci-
statem Concilij, in determinandis Ecclesiasticis geri.
controuersijs, quæ est superiori potestati in sæcu-
laribus causis: Quia non sit Concilij, a Deo con-
cessa potestas, ad definiendas controuersias, sicut
seculari potestati.

Neq; tamen in proluxa uerbositate sua, aliud
scripturæ uerbum pro sua affert sententia, quam
illud Apostoli ad Galatas, Siquis aliud Euan-
gelizauerit

DE CONCILIO

gelizauerit uobis quam accepistis, Anathema sit: etiam si angelus de cælo esset. Hoc autem uerbum Apostoli non aduersatur Concilijs, sed longe potius ac uerius ipsis hereticis & nouis sectis, quicunque aliter nunc euangelizant, quam accepimus antea nos & maiores nostri. Conciliorum autem Authoritas multis scripturæ sacræ locis est confirmata, quorum bonam partem in alio contra 30 propositiones Lutheri libello, iam olim commemorauimus.

**Fallax
obedien-
tiæ pro-
missio.**

Vereor itaque, ficto nunc corde promitti a quibusdam obedientiam Concilio Tridentino, super excitatis in religione controuersijs, quamdiu tolerantur libri Lutheri: qui palam & sepe contestatus est: Impossibile esse, suam Doctrinam cum Generali Concilio concordari. Nam in multis impiæ assertionis suæ articulis, nolunt Concilio cedere aut assentiri Lutherani, sicut publice concluderunt sepe VVittenbergæ & Smalcaldie, ubi & certos se esse dixerunt, hoc schisma suum placere Deo. Et ultra suam de sola fide iustificante doctrinam (quam ante omnia et in omnibus certissimam haberi postulant) inter res externas necessarias (ut dicunt) ista quoque a nobis abrogari uolunt, ac imperiose ibi exigunt. Missas omnes, in quibus desunt qui unà utantur sacra-
mento:

mento: Canonem, qui iubet offerri pro alijs uiuis
ac mortuis: Vniuersam Inuocationem mortuorum
(ut aiunt) directe uel indirecte: Vota Monacho-
rum: Magicos (ut dicunt) ritus consecrande
aque, herbarum, nolarum &c. Ro. Pontificis po-
testatem: funebria sacrificia &c.

Neg; hodie adhuc alia est eorum (licet ar- Perpetua
mis ab Imperatore nostro uicti sint) sententia, ut discordia
constat; non solum ex eorum contra Concilium
Tridentinum publicatis libris & concionibus:
sed etiam ex quotidiana in Ecclesijs ipsorum pra-
ctica: Id quod Caluino, Bucero & complicibus
eorum quam notissimum est; licet in multis ipsi
met a Lutheri doctrina dissentiant. Perpetua igitur
permanebit discordia; nisi tollantur e medio
pestilentes eorū libri, qui falso uerbi diuini prætex-
tu, omnem et Conciliorum; et sanctorum Patrum
authoritatem, sensumq; & sententiam superbissia-
me contemnunt atq; redarguunt.

Cruciger enim prolixè reprehendit eos, qui Verba
discordiarum pertest; æquum & rationale esse Crucige-
iudicant; ut in religionis & fidei controuersijs, ri contra
non solum secundum Prophetarum & Apostolo- rationabi-
rum scripta: sed etiam secundum unanimem sen- lem sen-
tentiam, quam præcipui Doctores Ecclesiæ te- tentiam
nuerunt, iudicetur, eorumq; sententiæ acquiesca- pacifico-
rum,

DE CONCILIO

tur, uerbi gratia, cum constet maiorem partem sanctorum patrum tenuisse Missæ sacrificium, satisfactiones, sanctorum inuocationem &c. nos quoq; debere eorum sententiam sequi ac tenere absq; contradictione, iuxta Concilij decreta, quia singuli errare queant: Quod autem maior pars Catholicæ Ecclesiæ concluderit, id erroneū esse nō possit. Propter concordia enim securissime possit acceptari id, quod maior pars concluderit & approbauerit. Cruciger uero contra hanc sententiam mox obijcit nobis illud Apostoli, Si quis aliter Euangelizauerit uobis, Anathema sit, Quasi uero sancti patres, & non potius hæretici, aliud nobis Euangelium, quam accepimus, prædicauerint.

Epistola
Buceri
Anno
1547.
ædita.

Sic & Bucerus anno superiore in consolatōria (quam in Germanico ædidi) Epistola sua, ausus est reprehendere totam Ecclesiam in omnibus præpositorum & superiorum gradibus, unā cum populo Christiano uniuersaliter, quod errauerint in multis, ultra sexcentos annos, non solum in Canticis & lectionibus latinis, a populo non intellectis: sed etiam in administratione sacramentorum, Baptismi & Eucharistiæ. In superstitione & fidei in Christum (ut ait) deuastatione, quam instituerint per noua sua sacramenta, In benedictione

TRIDENTINO.

Stione Aquæ, salis, Ciborum, uestium, herbarum, candelarum; cinerum: Idolorū (sic enim uocat sanctorum Imagines) templorum; altarium, & omnium ferme rerum.

Quin etiam seculares ibi Magistratus publice Repræhendere accusare non ueretur, dum sic interrogat: Quot si secula (inquit) præterea ex potentibus ostendi possunt, nū Prin- qui suo in regimine, non proprium honorem, cipum. pompam & uoluptatem: sed gloriam Dei, subditorumq; suorum salutem, ante omnia quaesierint: & nihil studiosius curauerint, quam ut subditi sui pie uiuerent, atq; ab omni diuinorum præceptorum inobedientia sese custodirent?

Et eiusmodi criminationibus suis superaddit in fine illius Epistolæ, impudens ac manifestum & mendacium, dum alios mendacij arguit. Euidens dæmonia (inquit) mendacium est, quod de ministerio meo & tantia & de uita mea effutiunt: neq; ausi fuerunt ipsi, Bucer. aut alij quicunq; ullum mihi obijcere crimen (cum tamē in tergum adeo multa mihi apponant) coram ullo Christiano iudicio: ad quod ego me semper obtuli & adhuc offero, Neq; in faciem mihi obijcere audent. Hæc ibi Bucerus.

At quis nesciat, quanta ei in actionibus & tractatibus publicis, uerbo & scripto fuerint obiecta, non solum generaliter ab Insigni tum Iudicium Colonien- sum de Clero Bucero.

DE CONCILIO

Clerò, tum Vniuersitate Colonienſi: ſed etiam ſpecialiter a Doctiſſimis uiris, D. Ioan. Groppero Scholaſtico Eccleſiæ S. Gerconis, & Doctore Euerhardo Billico Prouinciali Carmelitarum: dum ille miſerum ſenem, Archiepiſcopum Colonienſem, ſcleratis fraudibus & mendacijs, contra Papam, totamq; Eccleſiam & proprium ipſius Clerum irritaret, atq; a Catholica fide et religione in perſidiæ ſuæ ſectam pertraheret? Neq; obſcurum eſt, quanta obiecerim ego ei iam olim in Philippica ſexta, quando ſacrilegum Apoſtætæ coniugium defendebat Melanchthon, Turpitudinis illius patronus.

Episto-
Coc. ad
Principes
& ſtatus
Imperiij. Quod ſi ea omnia nequiter diſſimulet Eucerus, quaſi nihil eorum a me ſcriptum aut editum uiderit: Certe diſſimulare aut negare non poterit, ſe uidiſſe & legiſſe Epistolam meam, quam contra eum ſcripſi, ante Tres annos ad ſacri Ro. Imperij Principes & ſtatus, in publico Imperij Conuentu VVormatiæ congregatos: quandoquidem contra eam bene prolixum adiderit ipſe liberum. Contra quem et ego protinus liberum 18. articulorum addidi, huncq; ab eo uiſum & lectum fuiſſe Ingelſtadij, ipſius Typographi teſtimonio didici.

Vbi utiq; circa ultimum articulorum, quo inceſtus criminis reus agitur, non ſolum a me, ſed

Sed etiā a longe doctissimis et disertissimis uiris, Incestu-
D. Stephano Episcopo Vintoniensi, & D. Bar- osus & sa
tol. Latomo, quā plurimis testimonijs conuin- erilegus
citur. Sed cauilletur & iactitet mendacissime ut Bucerus.
uelit, negare profecto non potest, hæc in supra-
dicta Epistola mea, uerba ad Principes & status
Imperij haberi, et ab ipso lecta esse, Nempe, quod
paratus sim, sub quocunq; Capitis mei periculo,
cum Bucero isto, sub certis Iudicijs ad hoc depu-
tandis, experiri de iure: Et pœnam subire Talio-
nis, nisi conuicero eum, Deo propicio ac bene iu-
uante, cum de erroribus in fide, tum de crimini-
bus in uita. Quis est enim Incestuosus (ita scrip-
si ibi ad Principes & status Imperij) maritus iste,
ut incircumcissus ac pollutis labijs impropere
ausit errores Ecclesie, Columnæ & firmamento
ueritatis? Et tantum sit obiter de malignitate &
mendacijs Buceri dictum.

Vidi præterea & alium hoc anno editum
Teuthonice libellum, superbissimi cuiusdam Cō- Superbus
cionatoris: qui cum sit sutoris filius, Vitum Theo- & Indo-
dericum se uocat: & immemor prouerbij, Longe ctus Con-
ultra crepidam sutoris, audacissimæ temeritatis cionator
sue Iudicium: contra idem Concilium Tridenti- Vitus
num, ad populum proferre non erubuit. Vsq; Theoderi
adeo sane procax est, & ad omnem rebellionem cus.

DE CONCILIO

contra Papam & omnem Ecclesie Catholice statum, proclius & contumax, ut senatus illius urbis (cuius nomen honoris causa hic subiceo) auctoritate interdictum ei fuerit (saltem & tempus) concionandi munus. Quam indocte autem argumentetur, ex his paucis eius uerbis, quæ ex proluxa eius libelli nugacitate breuiter excerptæ, Erasme mi Charissime, facile intelliges.

Suermeri
ca uerba
huius VI.
ti.

Oportet nos (inquit) hic paululum cum nostris Aduersarijs Papistis agere de Doctrina, ut nobis doctrinæ suæ fundamentum ostendant, sicut nos ipsis facere (Deolau) & possumus & uolumus. Principalis ergo articulus Christianæ doctrinæ est, quomodo ad remissionem peccatorum & uitam æternam peruenire ualeamus. De quo sane hæc est nostra sententia, quod remissionem peccatorum consequamur sola fide in Christum. Et infra.

Qua propter uniuersa opera, quæ ad salutem conducibilia ab hominibus reputantur, quantumuis secundum se sancta sint, damnamus: & pro peccatis tenemus, per quæ Deus magis ad iram prouocatur. Hanc nostram (inquit) confessionem & fidem damnat Papa, & præsertim nuper inceptum Concilium Tridenti criminatur hæresim esse, & anathematizat omnes, qui do-
cent

cent aut credunt, nos sola fide iustificari. Nam charitatem & spem adesse oporteat, & bona opera quæ fidem faciant uiuam: quia sine operibus fides mortua sit. Nos autem (inquit) maxime contendimus, solam fidem esse scaturiginem, e qua Charitas, spes & omnis uirtus proueniat, sed inde nondum sequitur, etiam si Christianus has uirtutes, utpote charitatem, spem, & bona opera habeat, quod per hoc ad gratiã uenerit, et saluus fieri queat.

Et infra. Propheta ait, Populus ut scœnum est, scœnum exiccatur, flos decidit: uerbum autem Dei nostri manet in æternum. Si ergo uerbum manet in æternum, manent & illi in æternum, qui uerbum audiunt. Et rursus. Papiſtæ autem dicunt libere ac palam, hæresim esse, saluari nos fide, Neminem posse de salute sua certum esse, Oportet nos dubitare, alioqui cadimus ex timore Dei, & reddimur præsumptuosi. Tales Christianos uolunt facere Tridenti noui Papæ Apostoli & Prophetæ, qui Deum summè blasphemant, et uerbum eius pro meritis mendacijs & fabulis habent.

Contra hanc sectarum cõfidentiam uide Hier. c. 7. Non negamus nos saluari fide, sed sola si de.

Nulla enim hic (inquit) differentia est, Cum extra uerbum, neq; iustitia sit neq; salus: & nos uerbum habeamus, oportebit nos aut credere, quod habeamus eternam iustitiam & salutem, aut non.

Phantasticum argumen-

DE CONCILIO

dicere, quòd uerbum Dei sit falsum & incertum. Si autem dixeris (sicut & dicere te oportet, si Christianus esse uelis) te habere æternam iustitiam & salutem, oportebit te dicere (sicut et re uera est) te nunc hac hora & hoc ictu oculi saluum esse, & ab omnibus peccatis per Christum liberum & immunem, & sanctum ac beatum filium Dei &c.

Non sufficit audi Phantasticæ autem argutiæ, superbi huius
re uerbū sophistæ, facile repelluntur & dissoluuntur, per
Dei. hæc uerba Christi, Luc. 11. Beati qui audiunt
uerbum Dei, & custodiunt illud. At nusquam di-
cit Christus, aut ulla scriptura. (sicut blaterator
iste dicit) Si uerbum manet in æternum, manent
& illi in æternum qui uerbum audiunt. Contra-
rium uero manifeste dicit ipse Christus Matth. 7.
Non omnis qui dicit mihi Domine Domine, intra-
bit in regnum cælorū. Item, Multi dicent mihi in
illa die, Domine Domine, nonne in nomine tuo
prophetauimus &c. Item, Et omnis qui audit uer-
ba mea hæc, et non facit ea, similis erit uiro stulto
&c. Quare non frustra dixit apud Lucam, Beati
qui audiunt uerbū Dei, & custodiunt illud. Audi-
unt quidem Lutherani: sed non custodiunt uer-
bum Dei, Ideo non sunt Beati.

Quod autem de sola fide contendit Laicus et
popularis

popularis iste argumentator, tam sepe ac aperte Confutatio Dog-
 confutatum est iam pridem, tum a plerisque alijs matris de
 huiusmodi sectarum Aduersarijs: tum a me omni- sola fide,
 um minimo, in complurimis libellis, tam latine
 quam Teuthonice scriptis ac editis, tum mani-
 festissime in Minotauro, & in Philippica Ter-
 tia: Et ex superabundanti nunc in recens scripto
 quodam Teuthonico libro Infensissimi per mul-
 tos iam annos huius nouæ sectæ Aduersarij D.
 Georgij Vuicelij, adeo ualide ac copiose omnia
 eorū effugia occluduntur et confutantur, ut fortius
 aut certius de falsitate sua, et de crimine falsi, quo
 B. Pauli & uerba & sensum corrumpunt ac de-
 prauant, conuinci non possint.

Neq; tamen desinunt oggannire contra Con-
 ciliū, & superbe atq; impudenter falsum hoc dog-
 masium ad indoctos Laicos iactitare: tanta sane
 cum inuerecundia, ut Calvinus ausit in hoc suo
 contra Conciliū libello dicere, Nos nihil in ipsis
 calumniari, cuius non idem cum ipsis crimen sus-
 tineant Apostoli.

Hæc sunt, Erasme candidissime, quæ in Cal-
 uini Censuram superbam et iniquam, breuiter et
 summatim respondere uolui, & ad te transmit-
 tenda putauī: ut per te possint commode indica-
 ri R. Domino Ambro. Catharino, Episcopo
 D 5 Minoricensi.

DE CONCILIO

Minoricensi, Doctissimo ac Præcellētissimo uiro:
Cui uelim abs te integrum procurari exemplum
libri Caluinici, quē nuper in Nundinis Franco-
diæ uenalem habuit Typographus Tigurinus,
Zuinglij & Bullingeri scriptis inscribens, &
addictus iam olim.

Cæterum ego alijs nunc mancipatus (ut no-
sti) studijs atq; negocijs, pleniorē discutionē
& confutationē impiæ Caluini censure, Catha-
rino potius, qui non solum ingenio & omni-
pāræ eruditione: uerum & librorum copia & scri-
bendi facilitate exercitioq; & industria me lon-
ge superat, & omnia melius quam ego præstare
atq; efficere poterit, relinquo. Bene uale Ornatif-
sime Erasme, qui ut odio habes impios & impie-
tatem eorum: ita eximius es pietatis amator, pio-
rumq; ac rectē doctorū amicus et hospes, uelut ab-
ter Carpus aut Philemon. Ex Castello S. Victoris
prope Meguntiam, Die 20. Aprilis, Anno
Domini M. D. XLVIII.

Tuus toto corde & animo
Ioannes Cochleus.

*Idem Cochläus ad eundem
Strenbergium.*

CVM tam multa præter intentionem de
Concilij Tridentini Calumniatoribus
ad te iam scripserim, uisum est mihi ope
reprecium esse, ut Appendicis, uelut Colopho
nis loco, superaddam summam Capitula
sex librorum Clarissimi atq; Doctissimi uiri
D. Conradi Bruni, quos uberrima eruditione,
iuxta ingenij foelicitatem laborumq; indefa
tigabilem tolerantiam, scripsit de Concilio
uniuersali. Quod sane opus cœpit ille olim ag
gredi, cum ad primam Concilij Tridentini
Indictionem, ab hoc summo Pontifice nostro
P A V L O III. promulgatam, missus esset
una cum R. Domino V A L E N T I N O
Episcopo Hildesheimensi, alijsq; in ea legatio
ne Collegis Tridentum, a R. & Ill. Principe
Domino A L B E R T O Claræ ac foelicis
recordationis Archiepiscopo Mogontino &c,
Quod in Germaniam reuersus postea Metho
dica ratione (qua omnes nostræ ætatis scrip
tores longissime præcellere uidetur) Deo bene
iuuante absoluit, a nobis propediem prælo Ty
pographico tradendum. Spero equidem hunc
eius Elenchum & tibi non fore ingratum, &
ad propositum probe accommodatum, eo sa
ne acceptabiliorem tibi, quod uirum istum eti
am de facie tibi notum esse puto, Iterum uale,
& hæc omnia placido ac æquo animo, precor.
accipe.

Elenchus

ELENCHVS CAPI-
TULORVM, E SEX

Libris D. Comradi Bruni,
De Concilio Vniuersali,
Liber Primus.

11. Concilium quid sit in genere.
12. De generibus Conciliorum.
13. Concilium uniuersale Ecclesiasticum, quid sit in genere, & in suis speciebus.
14. De autoritate personarum Concilij, ac primum quidē de duplici potestate in Ecclesia.
15. De autoritate Ecclesiæ, unde denominetur, & quid sit in genere.
16. De potestate ordinis Ecclesiæ.
17. De iurisdictione Ecclesiæ.
18. De autoritate condendi leges Ecclesiæ, & interpretatione scripturarum.
19. De traditionibus, et consuetudinibus Ecclesiæ.
20. De iudicio Ecclesiæ.
21. De institutione ministrorum Ecclesiæ.
22. De acquisitione bonorum Ecclesiasticorum, & eorundem administratione.
23. Potestatem Ecclesiasticam, secundū plenitudi-

nem

DE CONCILIO VNIVERSALI.

nem, & partes suas, aliter esse in capite; aliter in membris, aliter in toto corpore Ecclesie, & aliter in Concilio uniuersali.

De Concilio Vniuersali, Liber Secundus.

1. De authoritate indicendi Concilium, & ad quem Ordinatio iure pertineat.
2. De subsidiaria Concilij Indictione, & quibus ex causis ad Cardinales aduoluatur.
3. Quibus ex causis indictio Concilij, ad Imperatorem & alios inferiores deuoluatur.
4. De personis, quæ ad Concilium Vniuersale uocantur.
5. De numero personarum Concilij Vniuersalis.
6. An ad Concilium uocati per alios, qui eorum uices gerant, comparere possint.
7. Quæ causæ excusationem Episcopis præstent, quo minus ad Concilia personaliter teneantur.
8. Quæ & quot personæ, à quibus, & quot personis, Legati ad Concilia mitti possint.
9. De mandatis Legatorum, quæ ad Concilia mittuntur.
10. De instructionibus, & Commonitorijs, De literis item commendaticijs Legatorum.
11. De pœnis eorum, qui ad Concilia uocati non uenerint.

Quæ

D. BRUNI ELENCHVS

12. *Quæ persone ad Concilium uenire, & eidem interesse possint, etiam non uocate.*
13. *De loco indicendi Concilij.*
14. *De tempore Concilij.*
15. *De modo & forma indicendi Concilij.*
16. *Quibus ex causis Concilia uniuersalia conuocanda sint.*
17. *Non esse ex causis uel nullis, uel leuioribus Concilium Vniuersale celebrandum, nec rursus exigente necessitate, uel tardius quam oportet, indicendum, uel prorsus intermitterendum.*

De Concilio Vniuersali, Liber Tertius.

1. *De autoritate presidendi in Concilio uniuersali.*
2. *De Iurisdictione Ro. Pontificis in Concilio Vniuersali.*
3. *De autoritate diffiniciendi Romani Pontificis in Concilio Vniuersali.*
4. *De autoritate, siue potestate authorandi Romani Pontificis in Concilio Vniuersali.*
5. *De autoritate Concilij uniuersalis, quatenus est corpus, capiti suo, Ro. Pontifici coniunctum.*

DE CONCILIO VNIVERSALI.

6. De authoritate Concilij Vniuersalis, quatenus a capite suo Ro. Pontifice separatum est.
7. Concilium uniuersale, an sede Apostolica uacante, uel quasi uacante, possit ea, quæ ad plenitudinem potestatis Ecclesiasticæ pertinet, & Romano Pontifici specialiter reserua-
ta sunt, exercere.
8. Concilium Vniuersale legitimè congregatum, an errare possit?
9. Concilium Vniuersale, an ut suspectum recusari possit?
10. Concilium Vniuersale, an sit super Papam.
11. De sacris disputationibus, generalibus congregationibus, & publicis sessionibus: de uarijs item officijs Concilij Vniuersalis.

De Concilio Vniuersali, Liber Quartus.

1. De ordine & gradibus dignitatũ et personarum Concilij Vniuersalis.
2. De personis Prophantis, & dignitatibus earum.
3. De sessionibus personarum Concilij Vniuersalis.
4. De uirtutibus personarum Concilij Vniuersalis, ac primum de iustitia.

De scientia

5. De scientia et prudentia personarū Concilij.
6. De modestia personarum Concilij.
7. De temperantia personarum Concilij.

*De Concilio Vniuersali,
Liber Quintus.*

1. De rebus Conciliaribus.
2. De tractatu Concilij Vniuersalis.
3. De sacris in Concilio peragendis.
4. Quo ordine & processu, res in Concilio tractandæ sint.
5. Omnia in Concilijs ad regulam sanctarum scripturarum & traditionum paternarum esse constituenda.
6. In Tractatibus, atq; diffinitionibus Conciliorum, scripturis Authenticis, iisdemq; integris, non corruptis, & deprauatis, aut Apocriphis inhaerendum esse.
7. De falsis dogmatibus fidei, sacramentorum, Cæremoniarum, et politia Ecclesie, in Concilio damnandis: & ueris & Catholicis uel constituendis uel renouandis, et confirmandis.
8. De schismate in Concilio tollendo.
9. De Idololatria in Concilio destruenda.
10. De diuinationibus in Concilio abiiciendis.
11. De superstitiosis obseruationibus in Concilio tollendis.

De hæc

DE CONCILIO VNIVERSALI.

12. De hæreticis, & eorum authoribus, fautoribus, receptatoribus, & defensoribus, in Concilio damnandis.
13. De corrigendis abusibus in Religione.
14. De reformatione in Ecclesia facienda.
15. De pace inter Principes Christianos reconcilianda.
16. De bello contra Turcas, aliosq; Ecclesie hostes in Concilio decernendo.
17. De querelis priuatorum in Concilio cognoscendis, atq; dirimendis.

De Concilio Vniuersali, Liber Sextus.

1. De diffinitionibus & decretis Concilij Vniuersalis.
2. Quo ritu quibusq; modis, decreta Concilij Vniuersalis constituentur.
3. Decreta Conciliorum à quibus denominanda, & sub quorum nomine, Romani ne Pontificis an Concilij, adenda sint, et promulganda?
4. Patribus in Concilio inter se discrepantibus, cui parti adhaerendum sit?
5. De subscriptionibus, sigillationibus, & instrumentis Concilij Vniuersalis.
6. An à sententijs, & decretis Concilij appellari possit.

D. BRVNI ELENCHVS,

7. *Quæ in Concilijs Vniuersalibus, legitime semel diffinita fuerint, non esse denuo in disceptationem reuocanda, atq; retractanda.*
8. *An Ro. Pontifex decreta Concilij tollere possit.*
9. *Diuerforum Conciliorum decreta, si inter se contraria fuerint, utra utris sint præferenda.*
10. *De executione eorum, quæ in Concilio decreta fuerint, atq; confirmata, & quæ sint in eare partes Pontificis, Episcoporum, Imperatoris, & Regum.*
11. *De solutione Concilij*
12. *De translatione Concilij.*
13. *De conclusionem Concilij.*

Finis Libri Sexti & Vltimi,

Laus Deo.

De Cæremonijs, Liber Vnus.

1. *De Cæremonijs Ecclesiæ custodiendis.*
2. *De Cæremonijs Ecclesiæ, quid statuendum in Concilio sit.*
3. *De Cæremonijs sacrificij missæ & Eucharistiæ restituendis.*
4. *De oblatione & communionem populi.*
5. *De ueris aliorum sacramentorum Cæremonijs restituendis.*

De Cære

LIBER VNVS.

6. De Cæremonijs rerum dominicarum siue sacrarum restaurandis.
7. De rebus sacris & dominicis non prophandis.
8. De Cæremonijs quæ ad usum rerum sacrarum pertinent.
9. De ritibus sacrarum uestium, & earundem usu restituendo.
10. De Cæremonijs crucis dominicæ.
11. De ritu uenerandarum Imaginum, ac primum quid sit imago, & multa alia de ratione imaginum explicantur.
12. De Imaginibus Dei.
13. De corporalibus Dei imaginibus.
14. De Imaginibus Christi, Dei & hominis.
15. De Imaginibus sanctorum Angelorum.
16. De mysterijs imaginum cælestium substantiarum.
17. De Imaginibus demonum.
18. De Imaginibus sanctorum Dei hominum.
19. De origine imaginum.
20. De usu imaginum.
21. De Cæremonia inuocationis nominis diuini.
22. De Cæremonijs reliquiarum.
23. De miraculis.
24. De origine & religione sepulcrarum, deq

DE CÆREMONIIS.

Cæremonijs earum restaurandis.

25. De ritibus sepulturarum, officio sepeliendi,
& sumptibus funerum.
26. De fructu, & utilitate sepulturarum.
27. De Cæremonijs orationum.
28. De cantu in Ecclesia restituendo.
29. De his, quibus animus ad orandum præpe-
ratur.
30. De humilitate in oratione, pœnitentia, &
luctu, & ritibus eorum.
31. De ieiunio, & eleemosyna, & Cæremonijs
eorum.
32. De Cæremonijs personarum.
33. De Clericis & Monachis.
34. De electionibus personarum.
35. De ritibus tam communibus, quam proprijs
diuersorum ordinum, & graduum Ecclesia-
sticorum.
36. De Cæremonijs à tempore ductis.
37. De horis Canonicis, alijsq; temporibus ora-
tionum.
38. De Quadragesima, & alijs temporibus Ie-
iuniorum.
39. De Ritu celebrandi Paschatis.
40. De mysterijs rituum festiuitatis Paschalis.
41. De ritu diei Dominicæ.

De festiuijs

LIBER VNVS.

42. De festiuitatibus sanctorum.
43. An reuelato nouo testamento, Cæremoniæ ueteris testamenti ita sublatae sint, ut earum usus, etiam in nouo testamento interdictus esse censeatur.
44. Cæremoniarum usum, in Ecclesia uetustissimum esse authoritate Epiphaniij, traditiones, et Cæremonias sui temporis enarrantis, probatur.
45. De abusibus Cæremoniarum Ecclesiasticarum corrigendis.

E. D. Con. Bruni De hæreticis et schismaticis, Libri Sex.

Capita Libri Primi.

1. Hæresis quid sit, et quale crimen?
2. Qui sint hæretici dicendi?
3. De hæreticorum, et qui cum ipsis, et eorum erroribus participant differentia.
4. De origine et causis intrinsecis hæresum.
5. De causis extrinsecis hæresum.
6. De moribus hæreticorum, tam ad uitam quam ad doctrinam eorum pertinentium.
7. De fraudulentia hæreticorum.
8. Comparantur inter se mores hæreticorum et malorum Catholicorum.

DE HÆRETI. ET SCHISMA.

9. Quibus modis hæretici agnoscantur.
10. De multitudine & paucitate hæreticorum, deq; hæresum successibus, & exitu.
11. De uarijs hæreticorum typis & figuris, ueteris & noui testamenti.
12. De uarijs hæreticorum nominibus ueteris testamenti.
13. Hæreticos malos montes in sanctis scripturis appellari.
14. De uarijs hæreticorum nominibus in nouo testamento.
15. Schisma quale sit crimen.

De Hæreticis, & Schismaticis, Liber Secundus.

1. De malis & incommodis, quæ ex hæresi & schismate proueniunt.
2. De impietate hæreticorum & schismaticorum, & eorum in Deum, & sanctos eius blasphemia.
3. De sacrilegijs hæreticorum.
4. De sacrilegijs quæ ab hæreticis & schismaticis, in ministros Ecclesiæ, & in ministeria diuini cultus perpetrantur.
5. De sacrilegijs, quæ ab hæreticis, & schismaticis, in abolendis pijs foundationibus, & rapiendis

piendis prouentibus Ecclesiasticis , committuntur.

6. De calumnijs hæreticorum & schismaticorum.
7. De crudelitatibus hæreticorum , quas sub prætextu iustitiæ, in iudicio, & extra iudicium, per uim, incendijs, rapinis, carceribus, uinculis, mutilationibus membrorum, alijsq; uarijs generibus tormentorum & suppliciorum in Catholicos exercent.
8. De crudelitatibus hæreticorum, quas in relegandis in exilium Episcopis, sacerdotibus, Clericis, alijsq; Catholicis exercent.
9. Hæreticos & schismaticos, nulla neq; ætatis, neq; sexus, neq; dignitatis habita ratione, in Catholicos seuire.
10. De crudelitatibus, quas hæretici non solum in Catholicos sed etiam eorum coniunctos, & fautores, exercent.
11. De iniurijs, quas hæretici & schismatici, tam legibus quam legum latoribus inferunt.
12. De iniurijs & calumnijs, quibus hæretici & schismatici, iudicia, & iudices, omnesq; adeo iustitiæ & honestatis amatores, persequuntur.
13. De calumnia & seuitia hæreticorum, quas exercent in mortuos.

DE HÆRETI. ET SCHIS.

14. Quorum ope & auxilio, hæretici & schismatici, ad persequendam Ecclesiam, & Catholicos utuntur.
15. Ex hæresibus nasci schismata & seditiones,
16. Propter hæreses & schismata, res publicas, & earum statum & formam in peius commutari.
17. De utilitate hæresum.

*De Hæreticis, & Schismaticis,
Liber Tertius, Qui est de re-
medijs, quibus hæreses, &
schismata, ex ira iudicium
sedantur, et extin-
guuntur.*

1. De diuino auxilio aduersus hæreses & schismata implorando,
2. De hæreticis ad pœnitentiam, & errorum abiurationem inducendis, & ad unitatem Catholicæ Ecclesiæ reuocandis,
3. An hæretici et ab eis decepti, inuiti ad cōfessionem ueræ & Catholicæ fidei cogi possint?
4. In causa hæresis, quæ sint partes Ro. Pōtificis, ante iudictionem Cpnclij. De

LIBER TERTIVS.

5. De officio Episcoporum in causa hæresis, ante indictum Concilium.
6. De satisfactione eorum, qui ad communionem Ecclesiæ recipiendi sunt, & quomodo hæreses, & earundem authores, damnare, & abiurare debeant.
7. Hæretici redeuntes, an ad pristinas dignitates recipi, & in receptis ordinibus retineri, uel ad sacros ordines promoueri possint?
8. De admonendo Imperatore, alijsq; Regibus, a Ro. Pontifice, & alijs Episcopis, ut & ipsi ad extinguendas, suborientes hæreses, officium, auctoritatemq; suam interponant.
9. Quæ sint partes Imperatoris, Regum et aliorum Principum, contra hæreticos & schismaticos, ante indictionem Concilij.
10. An Principes unicuiq; ut quicquid uelit credat, liberum permittere possint.
11. An Episcopi Catholici, alijsq; fideles, in controuersijs Catholice fidei tempore ut dicitur inservire, & de fide aliquid remittere possint?
12. De disputationibus & colloquijs, in causa fidei & Religionis, an Catholicis permissa, cum hæreticis, à quibus instituantur: Quarum personarum sint, & qualium, & quot

DE HÆRETI. ET SCHIS.

numero, Quis locus colloquijs idoneus, quæ forma & processus colloquiorum, An ad hæreses & schismata tollenda utilia.

13. Colloquia quibus hæreticis cognitio, & interpretatio scripturarum permittitur, impia esse, & à Catholicis uitanda.
14. Colloquia, quæ in id fiunt, ut controuersie de fide, inter Catholicos & hæreticos, in præiudicium Catholicæ fidei pactis, & transactionibus componuntur, impia esse & Catholicis omnibus modis declinanda.
15. An rata sint pacta, conuentiones, & leges, quibus hæreticis & schismaticis pax & securitas, ea conditione permittitur, ut qui eos offenderint, pœna fractæ pacis teneantur.
16. An rata sint pacta, conuentiones, & leges, quibus hæreticis permittitur, ut Ecclesias habeant, & reforment, earundemq; bona possideant, & administrent.
17. An rata sint pacta, conuentiones, & leges, quibus lites Ecclesiarum aduersus hæreticos, & schismaticos in iudicio uel motæ, uel mouende, uel in totum tolluntur, uel ad tempus, uel in perpetuum suspenduntur.
18. An rata sint pacta, leges, & rescripta, quibus hæreticis & schismaticis permittitur,

ut iuris

LIBER QVARTVS.

ut iurisdictionem aliquam, uel administrationem, uel soli uel una cum Catholicis exerceant, alijsue publicis muneribus fungantur.

De Hæreticis & Schismaticis. Liber Quartus, Qui est de iudicijs, in causa hæresis & schismatis.

1. De iudicibus, & inquisitoribus, in causa hæresis.
2. De iurisdictione, authoritate, & officio Inquisitorum hæreticæ prauitatis.
3. De officialibus Inquisitorum hæreticæ prauitatis.
4. Ad officium Inquisitorum pertinere, ut primum omnium doctrinam hæretici examinent.
5. Quomodo in causa hæresis, in iudicio procedendum sit.
6. De citatione in causa hæresis.
7. De petitione in causa hæresis.
8. De exceptionibus, & defensionibus in causa hæresis.
9. De probationibus in causa hæresis.
10. De sententijs in causa hæresis.
11. Quomodo contra hæreticos, contumaces, et
de

DE HÆRETI. ET SCHIS.

de hæresi suspectos procedendum sit.

12. An noua sententia condemnandi sint, qui in hæresim non nouam, sed prius legitimè damnatam inciderint?
13. De degradatione Clericorum, qui in causa hæresis condemnati sunt, & quomodo Curie seculari tradantur.
14. De autoritate & officio Principum, & potestatum secularium, in puniendis hæreticis.
15. An Iudex secularis in causa hæresis, de processu, & utribus sententiæ Iudicis Ecclesiastici cognoscere possit?
16. An in causa hæresis à Iudicium sententia liceat appellare?

De Hæreticis, & Schismaticis, Liber Quintus, Qui est de pœnis hæreticorum & schismaticorum.

1. De pœnis hæreticorum.
2. De uindicta diuina in hæreticos.
3. De pœnis Canonicis hæreticorum.
4. Omnes Ecclesias, et Ecclesiasticos actus, hæreticis & schismaticis esse interdictos.

An bona

LIBER QVINTVS.

5. An bona hæreticorum iuste à Catholicis uen-
dicari, & possideri possint?
6. De publicatione bonorum hæreticorum.
7. Hæreticos omnibus priuilegijs, honoribus,
& beneficijs iuris destitutos, & eorundem
esse incapaces.
8. De infamia hæreticorum.
9. Hæreticos ab omnibus publicis officijs, esse
repellendos.
10. Hæreticos intestabiles esse, & ab omni suc-
cessionem, et liberalitate repellendos, nec alia
quam contrahendi facultatem habere.
11. Hæreticos ab agendo & accusando, item à
testificando repellendos: ad respondendum au-
tem in iudicio, compellendos esse.
12. De pœna perpetui carceris, & exilio hære-
ticorum.
13. An de hæresi condemnati ultimo supplicio
affici possint?
14. De diffidatione, & Banno hereticorum.
15. De pœna suspectorum, de hæresi se non pur-
gantium, relapsorum: item credentium, fau-
torum, et defensorum hæreticorum.
16. De pœna ciuitatum, et communitatũ in qui-
bus hæreses fouentur.
17. De hæreticis etiam post mortem excõmuni-
candis,

DE HÆRETI. ET SCHIS.

candis, & eorum memoria condemnanda.

18. De pœna schismaticorum.

19. De quibuscumque circumstantijs, crimen hæresis & schismatis aggrauantibus.

20. De criminibus, hæresi & schismati adiunctis, & pœnis eorum.

*De Hæreticis & Schismaticis,
Liber Sextus, Qui est de cautionibus,
quibus prouidetur, ne hæreses & schismata, uel noua oriantur,
& subnascantur inualescant, uel semel extincta renascantur.*

1. De purgandis Diocesibus & prouincijs, per Episcopos & Potestates seculares, ab impietate hæreticorum & schismaticorum.

2. De uitanda communione hæreticorum.

3. De interdictis collegijs & conuenticulis hæreticorum.

4. De officio & ministerio docendi, & prædicandi rectè in Ecclesia, ordinando, atq; dignis committendo, omnium autem maxime hæreticis interdicens.

De scholis